

太陰 亥酉 酉天乙

寅白虎

太常 丑亥 申騰蛇

卯天空

天空 卯丑 未朱雀

辰青龍

〔武備志一百八十二〕釋遙克

所謂遙克者，四課之中，既無上克下，又無下克上，乃先取神遙克日，神即子丑寅之類，如無神遙克日，即取日遙克神。

假令正月甲戌日寅時，亥將占，以寅時起亥，卯上坐子，次第排至丑上，坐戌為止，甲戌日，甲課在寅，寅上見亥，取亥甲為日之陽神，第一課，亥本位上見甲，取甲亥為日之陰神，第二課，支辰戌上見未，未戌為辰之陽神，第三課，未之本位見辰，辰未為辰之陰神，第四課，然四課之中，上下俱無克，但看日課上，亥字被日支上戌土神來遙克，乃以亥上申為初傳，申之本位見巳，巳為中傳，巳之本位見寅，寅為末傳，此為神遙克日，名蒿矢卦。

假令正月庚戌日申時，亥將占，庚課在申，以申為日于申時又在此，起亥將，酉上坐子，排至未上，見戌止，庚上見亥，取亥申為一課，亥上見寅，取寅亥為二課，支辰戌上見丑，取丑戌為三課，丑上見辰，取辰丑為四課，然四課上下並無克，又無神遙克日，故取日上庚金日，遙克日神上寅木為初傳，寅之本位上見巳，巳為中傳，巳之本位上見申，申為末傳，此為彈射卦。

〔六壬大占〕行年小運法

男一歲起順行，至十一却逆行，女一歲起逆行，至十一却順行，如男是甲子旬生人，一歲起丙寅，十一到本旬為丙子，二十一為丙戌，三十一到申為丙申，四十一丙午，五十一丙辰，六十一丙寅，逆行，如女命，甲子旬一歲起壬申，十一壬戌，二十一到本旬為壬子，三十一壬寅，四十一壬辰，五十一壬午，六十一壬申，順行。